

**BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
S A R A J E V O**

**IZVJEŠTAJ O POSLOVANJU – IZVJEŠTAJ O RADU I FINANSIJSKOM
POSLOVANJU JU „KANTONALNI CENTAR ZA SOCIJALNI RAD“ ZA
2020. GODINU**

Sarajevo, april, 2021. godine

**BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
SARAJEVO**

**IZVJEŠTAJ O RADU
JU "KANTONALNI CENTAR ZA SOCIJALNI RAD",
ZA 2020. GODINU**

Sarajevo, april, 2021. godine

IZVJEŠTAJ O IZVRŠENJU PROGRAMA RADA JU »KANTONALNI CENTAR ZA SOCIJALNI RAD », ZA 2020. GODINU

I UVODNI DIO

JU „Kantonalni centar za socijalni rad“ Sarajevo (u daljem tekstu Centar) je jedna od ustanova u sistemu socijalne zaštite u Kantonu Sarajevo, osnovana od strane Skupštine Kantona Sarajevo 1997. godine, mada historijat i kontinuitet rada Centra seže 62 godine unazad, od osnivanja prvog Centra za socijalni rad u Bosni i Hercegovini, 1958.godine u općini Centar Sarajevo.

U skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa i organizacija („Službene novine Kantona Sarajevo“ br. 29/2012), sačinjen je Izvještaj o radu JU „Kantonalni centar za socijalni rad“ za 2020. godinu.

Izvještaj je urađen je na osnovu postignutih rezultata rada, analize realizacije Programa rada za 2020. godinu, kao i na osnovu praćenja pojava, stanja i potreba korisnika te u skladu sa istim preduzetih intervencija.

Trenutno, Centar je višefunkcionalna ustanova od posebnog društvenog interesa, u čijem se sastavu nalazi osam službi socijalne zaštite općina, koje svojom djelatnošću pokrivaju područje Kantona Sarajevo, odnosno devet općina, zajedno sa Službom za pravne poslove i koordinaciju, Službom za računovodstvene poslove, Službom za opšte poslove, edukaciju i saradnju sa međunarodnim i domaćim organizacijama, Službom za hraniteljstvo i Službom za primjenu odgojnih preporuka i odgojnih mjera.

Od navedenih organizacionih jedinica, u funkciju još uvijek nije stavljena Služba za primjenu odgojnih preporuka i odgojnih mjera, dok je Služba za hraniteljstvo u funkciji i započela je svoj rad u mjesecu januaru 2020. godine.

Na temelju javnih ovlaštenja, zakonskih propisa, Centar, kroz funkcionisanje multidisciplinarnih timova koje čine socijalni radnici, pedagozi, psiholozi, pravnici a po potrebi i stručnjaci drugih profila, ima za cilj da doprinosi izgradnji zajednice pružanjem mjera i usluga socijalne i porodično pravne zaštite svojim građanima, sa svim svojim mogućnostima i kapacitetima.

Svi postignuti rezultati uglavnom se temelje na profesionalnosti, predanosti i često dodatnoj angažovanosti radnika Centra, a dostignuti nivo obavljanja poslova iz nadležnosti Centra je obezbjeđen kroz postojeću unutrašnju organizaciju rada i uspostavljenu metodologiju rada, te se može konstatovati da se postavljeni radni zadaci kontinuirano izvršavaju.

Po odgovarajućim kategorijama korisnika, Centar je u 2020.g. intervenisao sa 70589 mjera, usluga i oblika pomoći za 29 967 korisnika. (Tabela broj 2.).

II **NORMATIVNI DIO**

U 2020. godini doneseni su sljedeći normativni akti:

- 1. Naziv materijala:** Pravilnik o načinu korištenja i upotrebi mobilnih, fiksnih telefona i Interneta u JU "Kantonalni centar za socijalni rad"
- Nosilac izrade:** JU "Kantonalni centar za socijalni rad"- Direktor
- Razmatra i donosi:** Upravni odbor Centra, Ministarstvo za rad, socijalnu politiku, raseljena lica i izbjeglice
- Kratak sadržaj materijala:** Ovim Pravilnikom utvrđuje se pravo i način korištenja službenih telefona i interneta u JU „Kantonalni centar za socijalni rad“, visina iznosa mjesečnih troškova koji se plaćaju iz budžeta Centra, kao i postupak i način plaćanja tih troškova preko dozvoljenog iznosa.
-
- 2. Naziv materijala:** Pravilnik o izmjenama i dopunama Pravilnika o načinu utvrđivanja i raspodjele finansijskih sredstava za troškove reprezentacije i poklone u JU „Kantonalni centar za socijalni rad“
- Nosilac izrade:** JU "Kantonalni centar za socijalni rad"- Direktor
- Razmatra i donosi:** Upravni odbor Centra, Ministarstvo za rad, socijalnu politiku, raseljena lica i izbjeglice
- Kratak sadržaj materijala:** Ovim Pravilnikom o izmjenama i dopunama Pravilnika o načinu utvrđivanja i raspodjele finansijskih sredstava za troškove reprezentacije i poklone u JU "Kantonalni centar za socijalni rad" mijenjaju se mjesečni troškovi korištenja reprezentacije u utvrđenom drugom iznosu.
-
- 3. Naziv materijala:** Krizni plan pripravnosti i odgovora na pojavu koronavirusa (COVID-19) u JU „Kantonalni centar za socijalni rad“
- Nosilac izrade:** JU "Kantonalni centar za socijalni rad"- Direktor
- Razmatra i donosi:** Direktor
- Kratak sadržaj materijala:** Kriznim planom pripravnosti i odgovora na pojavu koronavirusa (COVID – 19) u JU „Kantonalni centar za socijalni rad“ uređuje se organizacija rada u Centru i organizacionim jedinicama ustanove u uslovima uzrokovanim koronavirusom (COVID-19), postupanje radnika Centra i trećih lica koji dolaze u Centar, mjere opreza i zaštite, postupanje po preporukama i smjernicama Kriznih štabova Ministarstva zdravstva Federacije Bosne i Hercegovine i Kantona Sarajevo.